

小謨觴館詩文集

小謨觴館詩集卷第三

星社集

一
庚戌迄壬子

鎮洋

星社集者相涵彭子隨親潁州作也潁固淮揚之冲
呂歐蘇遺澤未泯風雅之士相與掎裳聯襪訪二柳之
亭賦聚星之雪中間往還南北山川人事類皆托諸詠
歌不幸不祐淳丁艱棘躬奉廣柳歸祔故邱捐棄筆硯
者閱月二十乙卯秋乃援祥槧例補作別友遷居諸詩
計庚戌陽月至乙卯秋仲六年詩舊爲二卷索過風於
前林追往夢於旣寤識者或不以爲非禮歟乾隆乙卯
壯月下澣甘亭居士書於城南小謨觴館

初冬將有潁州之行感書二首

庚戌

將車奉杖又江干未許衰親賦考槃漠北遠纔拋旅夢終南
高欲比憂端一繩天數賓鴻急半袂書駛蹇衛寒此去聚星
堂在否勞人休作季方看

乍歸陶令秫田蕪五柳門邊半詬通笑悟指囷前輩少浪傳
焚券古人誣貧憐鶴料看猶好老嘆羊裘願總孤潔白陔華
吾自愧玉父新卷彩衣圖

留別諸親故二首

野水淒迷碧玉環短亭衰柳不堪攀佳兒終忝王文度別曲
愁聽謝阿蠻微祿斗升勞白髮片帆風雨夢青山瀼西都負
比鄰約酒熟鷄肥老閉關

鷗鷺頻年訂夙盟披風抹月故人情論文名敢居飛將縱酒
銜曾署步兵殘燭冷灰談草草短脾長堠去程程拏舟有日

焦陂路清潁亭邊打槳迎

發維揚途中雜詠八首

極浦王恭初月橫江謝朓餘霞遠望屬者獨者不辨松耶柏耶

赤甲白鹽商廩紅闌綠浪歌船彎彎月子無賴袞袞錢刀可憐

晤耳詩傳鄭衛當官人比歐蘇一種敬客殘客誰歌長鋏歸乎

羊頭車子一兩花面雅鬟十三伊誰載春西去生小不事桑蠶來

山色滁陽黛染柳陰西澗煙開舍風村村翠滴排閨戶戶青

一言角角詩卷之二
陰陵大澤馳道天險藩籬壽春祇恃長江十萬南朝可謂無人

白石安豐舊壞青山下蔡孤城只有淮王愛士幾曾殷浩知兵
淝水茫茫戰跡謝庭能學韜鈴絕憶渠家兒女團欒詠絮釣簾

暮秋省親再之潁州述懷

辛亥

生無遠遊心似具遄飛翼不作襄陽估終年去鄉國臨岐路迢迢拂袂寒惻惻周謁辭親串惝恍攬肩臆雪領高堂親十年官絕域懸車三徑荒仰屋百憂逼一氊託經師三嘆爲衣食昨歲月在丑北風天宇黑江寒舟楫稀山險石壁仄遠道勤扶持衰齡苦筋力到官舍如冰破屋蔓叢棘隆冬爨煙冷

欲語氣先塞春舠我暫理秋駕裝重飭馬蹏不能方綫路真似織渺渺孤雲飛天涯起愁色守株願則違塵海計非得何時可抽身林泉快棲息庭闈靜怡顏子婦分供職廁滌萬石橐餧饋曾孫稷老屋朝暾溫書窗閒吮墨

由無錫至常州

波紋漱灔雲有無迎潮擊汰芙蓉湖龍山錫山兩入眼煙螺細膩風鬟麤我聞此水名九曲中有突兀茅亭孤文甃窳甓不可見桑屐輸彼鴉頭奴身隨雁鷺穿荻蘆故宮桃夏稱通都春申事去二千載珠履賓客成嘵烏離亭才人魯相使陰譎那得誇雄圖李園黃歇皆非夫我儕憑弔胡爲乎慧泉酒價賤易沽買醉拚倒青田壺酒兵茶陣兩足娛品經鴻漸真吾徒亭亭藕花香襲裾隔岸一朶清而腴晚風獵蒲起宿鳥

新月出柳窺懸蟾清流連娟女環如碧玉滑笏疑瓊膚九原
可作共指點相看一笑顏胡盧

丹陽夜泊

水宿金牛道科頭倚峭檣天長拓星勢月昃閃湖光霜柝闌
隄急漁鐙到枕涼新洲思霸業渺渺荻蘆荒

處亭

地憶長沙業名傳太史賢士爲知已死身得霸才憐有客思
盤槃如公願執鞭阿蒙亦奇傑遺址共榛煙

真州柳屯田墓二首

清才仙去骨常溫江草江花護墓門無限人間兒女恨春風
紅淚與招魂

記曲紅兒苦愛才鉏車仙掌釀錢來年年寒食梨花雨送得

春光到夜臺

浦口

尺土舟車會登臨暮靄中蘆風捎嘶勁酒氣瀉江空南北分
天塹春秋感斷蓬關山多馬客誰解問吳蒙

滁陽

陂塘花鴨水粼粼苦竹叢蘆絕點塵一抹瑤环山色好始知
身是過江人

豐山

山風靡蘿荔細路相縈紆林壑翳深秀窈窕西南隅洩雲諸
峰合過雨百草腴惜哉含桃樹不見花粉敷蕭寺靜鐘梵寒
泉汲僧雛遺亭網豐樂曩昔茲嬉娛太平念干戈百年澤涵
濡古今有同感鄭重當康衢

菱溪

落日澹瀟照碧歛寒岳幽潺潺春玉聲釀泉分細流劉金有
遺石歐陽昔冥搜英雄感卅六曳置勞三牛貴將旣陳迹醉
翁亦荒邱鳴禽爾何樂下上聲喟啾山店醉茅柴貰飲聊拍
浮安得沈氏槩一和松風秋

清流關

嵯峨怪石橫天起一徑羊腸萬山裏東憑江浦北陰陵此是
南唐舊軍壘彭奴遺跡空岩巖福州下蔡成煙消赤眞人自
大梁至山前十萬橫相要金樽璀璨銀樽白犀帶名茶枉傳
驛刺史驚看緣堞兵將軍悔履秦淮石澄心堂上草連雲古
殿長春半夕曛蔗漿未啜雄關失猶說陵波水上軍

磨盤山

詰朝陟關嶺曠野耐遐望紆回不十里瞻眼前山障仰瞻秋豪徑叢木隘而妨顛厓互廻合奇石勢相亢行旅笠帶飄輕身聳層嶂遙矚渺難卽急步追何讓郤顧後來客予亦出其上天風吹衣襟川塗獻千狀深谷日澹泊平原氣淒愴饑驅志多違歷險游仍壯忽慮下坂艱孤懷未宣放

下蔡

南國留墟市西風蕩晚川美人無一笑遊子又經年石戶貧多徙寒山慘不妍蕭聊楚天雨秋思夜綿綿

州來

州來故國壽春東巒巒蒼山指入公蠟樹遠排淮甸直魚雲晴曳楚天空銜刀慷慨于誼節折屐飛揚謝傅功何似召南行義好辦香吾只祝安豐

硖石口

縱目懸厓最上頭雙峰陡立占高秋帆連古汴千夫噪峽束長淮一折流童律南來功獨偉支祈東走帝曾愁神謨事杳衝波勁行水誰爲曲突謀

劉家集舟夜

蒼蒼兩岬樹倒浸碧潭清沙岸暗生白漁燈遙忽明薄寒詩格瘦良夜旅懷平稍喜萑蒲息村尨靜吠聲

潁上

淪漪碧無際水到潁川澄千頃靜流月一奩寒浴冰溫醪奴子擅羹粥榜人能答簪香溪路廻頭感不勝

正月四日世玉堂對雪以白戰不許持寸鐵爲韻用

禁體分得白字借寧榕塢

崇禎

止齋

同禮

任秋坪

鮑

化棠村之琦

劉汐村舍

元南林

劉竹溪

澤普

程西

厓溶同作壬子

狂飈卷湖穎波窄酒徒寒走揚雲宅皇祐元祐兩騷壇七百
年餘留此席是時霧黑天似鱉繁雲六出霏檐隙搏空忽散
眩醉眼碎鏤冰花翦紈帛當年龍公試妙手蠻箋曾見歐蘇
擘又擣仙眼看吾儕無乃雲頭笑嚇嚇林樾模糊絕飛鳥庭
除積漸堆沙石中宵耳熱歌豆萁起舞喧呶岸冠幘或愁東
郭簷穿履或嘆袁安未乂戰貧子羈人均可念歡場一笑需
歡伯玉樓寒粟唆不起霜管墨花怒將坼茶餅番番煮茅屋
殘鐙幢幢耿破壁清光忽來夜有影朗抱冰心兩相射書生
意態終足哂喜以羔羊鄙豪客不知渠亦笑郊島此事由來
判阡陌窮達升沈亦莫問只恐離悰醉後劇故園廻首隔重

關簾前凍蕊行堪摘紅窗尚有憶遠人火炷沈香坐清夕鄉
夢空榮鳧藻爐衝愁但買青田核年來一事差自慰潤入春
疇蘇土脈不憂禾黍連萬頃入地遺蝗已千尺款冬臘粥慶
歲豐再對同雲約元白

次韻答甯止齋論詩見示之作

引商流徵世誰聽或以牛涔擬象溟學海有人窮步亥榛叢
得路闢神丁門臨皎鏡餐湖濼瞳翦金波照汗青便欲相從
乞津筏少微遙指伍喬星

近日詩學派別感懷柬甘亭

穎州甯問禮止齋

野水吟蛙未可聽與君携手覶滄溟荆人小劫夸三戶蜀
道雄開仗五丁黏齒雪分花屐白隔簾山入酒樓青傾懷
敢惜銀條穎州賞處士南臺夜有星

書止齋詩稾後

觀河當張出海帆登峰當登泰華巖
曉冷螢尾學無本不如老把白木鐠
我持此語律詞筆孤行一意何時快
儒林丈人得甯越健格鷹隼凌秋龜
浸淫三味括四部恣飽不顧譏貪
饑遺膏膾馥衆著出肺腑造化窮
鑄劍平生風雅尤致力咀嚼衆
裁分酸鹹自言此道雜叢棘譬諸蔓草
需柳芟薰香剗面矜飾治長頭大鼻
夸不凡巨刃磨揚儉父駭冰雪姑射蛾
眉謾欲持寸管作砥柱如以長劒揮天
櫬歲寒冰瓦斗柄轉叩門貽我瑤華函
薔薇盥手沫在口壓倒衆阜留穹嵌因評
才地品似鶴畧識遭際憂同獮食貧肯索陶
令米伏處厭著顏郎衫蕭然土銼須捷冷中有十斛
珍珠緘方春桃符望初燦疎籬梅蕊鳥已鵠生年尚未
髮種種徑欲相對眉影影上

流直清下流曲潁水一道排松杉驛壇應許執鞭從酒陣更
請持籌監酣嬉且圖文字飲那用寸念如風繆還詩急索叩
角和草間蟲正吟詰謳

立春前二日雪夜招諸同人集飲敬一亭止齋以詩
見贈次韻五首

冷衙傳蓋借鉗登八尺高張照座鐙吳楚酒兵宵角戶開天
詩壘客分明回風簾學春幡颺急雪花同石髓凝吟徧吳鹽
寒未覺置身陶閣已三層

轉蓬身世謝朋簪冷落成連海上乘撲面黃塵臨水照懷人
紅樹隔雲深十年問絅仍爲客一夕飛箋見此心正是打門
風雪急新詩傳唱各沾襟

雙丸跳轉任羲娥且貰銀條醉叵羅一卷對裁窮鳥賦五噫

分譜伯鸞歌人情白眼看風漢世界青春付夢婆只有梅花忘不得夜寒皴玉近如何

山字吟肩聳峭寒苦將流別話騷壇當門蘭艾株分易東下江湖手障難獵獵風鐙孤自舞巉巉玉骨兩相看郢中自有陽春曲未許么弦拉雜彈

殘漏丁丁警曙鴉當筵一曲塵橫斜不嫌塵飄來無舍屢過蓬蒿仲蔚家餘酒暖憑寒闌力好詩清共雪爭花試看白屋殘冬裏正有青帘挂畫爻

華亭張子白進士若采覓屋未就書此調之

獻賦長楊畫省仙歸來捐盡茂陵田賃春未改人椎髻闢圃空思竹引鞭金穴自應輸郭况瓜廬何地著焦先卿如自用卿家法只合同牽岸上船

再調子白

時主講清穎書院

斗撇鬚眉湖海客迢遙姓望蔚藍天能裁萬戶千門賦郤少
三間五架錢穎尾春流看曲曲西湖蓮葉正田田何妨笑學
鴟夷子一舸全家儘放顛

劉竹溪招集勺園看花分得闌字

袁尹愛竹樹車公癖遊眺命駕恣所如高情稟生宵勝地無
處無佳者集衆妙景美人自違禮華恐相弔主人好池館當
春絜樽召迤邐越陌斜峩峩繁芳姹葬顏蒼松間古
貌如以霜雪姿明妝雜天少風來各自得相對不相耀斗覽
酒腸寬傾孟醞復醡香雲引歡情衝愁得奇效平泉與梓澤
寇葢嫌熏燎草堂此高閒祇許鴉雀閑杜徑辭金張開筵面
蘿蔦我無園十畝中啟亭四照跡慙漢陰叟身謝任公釣百

年生鼎鼎開口幾日笑良時况須臾清賞易摧撓當杯各珍重莫惜盡餘醉一樂天果慳急雨飛原燒箭輿道歸揮手謝同調明欲續舊遊衝泥畏霖淖

夜訪止齋讀近詩數章時患足未愈歸後郤寄

好詩不宜多多輒怒肺腑浸淫達重關占曰咸其股知君疲心神精銷力逾勞腕底自足豪末疾旋踵武一朝風淫作嘗若物被蠱匝月坐掩關空齋自仰俯宵來訪子春裏飯歟蓬戶雖嘲平原蹙未倒玉柄塵新詩復相示擊節屢起舞受患良坐斯不悔吟轉苦四大亦寄耳百節謬分部觀化化已及此語聞自古柳肘無殊觀意與介叔伍曩言頗傷誕弔詭漫嘲侮獨惜風日佳卉爛下土濟勝具尚艱理屐輿誰鼓作詩寄羊求起病盼立愈還宜養心力和身借清酣佇見利屈

人言角管詩集卷三
仲不藉松枝拄相與學敬則拍張牌重拊

勺園看牡丹分韻得最字

嘗聞洛陽花牡丹天下最潁川水土甘分此雕玉佩或恐束
町畦見少不足快主人拓百弓絕艷彙香界回圃開樽罍溢
目紛藻繪如觀大國風以下薄曹鄙松竹解護持亭亭蔭車
蓋微雲轉輕陰卓午逗春靄明霞一以烘氣與酡顏會把酒
恰春情當風發長嘵吾家婁江東志趣夸前輩弇園王鳳洲
築
輞川規學山張天如先生題名金谷邁及茲百餘稔亭榭沒蒼苔
此地得素風林泉見高槩郎官有雲初園爲劉公勣吏部別業遺植猶陽奄然下紅影忽破碎醉欲藉草眠不用秉燭對蠶夢如可
同花叢當緩帶

吳門毛示愛吾廬印譜并鑄名印見貽作詩酬之

古人摹印如作書大要瘦硬神方通古人摹印如作畫生氣
潛浮故紙中斯冰已去李潮沒六體繆篆世所崇移刀作筆
石作簡棱棱山骨雕嵌空就中善者入妙品姜王吾趙爭稱
雄骨清肉膩貌渾古穠纖倒薤翔驚鴻芝泥發彩香四溢研
光箋白丹砂紅迴鸞舞鳳集眼底異事傾倒鉅鹿公盤螭一
種軼蒼史云此獨絕餘難同神全不必束矩獲貴超象外求
天工此編印出乃其跡指物兩化非人功聞言我忽悟至理
大小術業通鴻濛承蜩弄丸在誠一郢斤倕鑒須專攻若膠
形蹟昧元諦但恐頭腦嘲冬烘予生嗜古癖秦漢歸搜頑石
煩鐫碧守之以神養以氣腕下霍霍生微風敝廬壓架尚千
卷頗憶名記留書叢何時歸翦三徑草再倩妙手羅玲瓏安

排清玩鑒金石墨光筆韻相融融添朱試與鈴吟卷往寄吳中桑苧翁

張子白主講招集清瀕書院劇飲以雜花生樹羣鶯亂飛爲韻分得雜字

雨晴潑火雲猶欲花霧襲衣風颯颯誰將潁水一千頃瀉入紅霞三萬榼我生有口百不宜性薄懸河鄙掉闔澆灌惟應作酒鎰脣吻未接心先納去年君歸蕙帳寒寂寂元亭蛛網匝今年花開君復至履舄書堂紛合沓酒侶如波翦不分遊蹤似帖摹還搨詩人且要鬪龍虎名士良須付蛤蜊烏帽筵前取次偏狂言醉後多憂雜須臾街鼓打紈如掾燭光殘五侯蠟一枕積然我藉糟華胥藝語君還答天公爲洗麴蘖醺落月如盆射吟榻

墨香二首

墨香秋露滴芙蓉明月前身本望舒
錦字團花藏半繭指痕留粉印雙魚閒偕彩伴評寒暖笑向梅風問起居若許傳經紗幔底買絲先繡女尚書

紫府曾持七寶幢天風吹墮玉無雙楊花扇小春修禊羅葉衫寒夜渡江點筆煙嵐青入黛捶柔人月皎臨窗墉城一種娉婷影照到寒苦焰焰釭

懷清二首

懷清一築恨如何縞袂青裙謝綺羅偶落塵身充法喜不將花雨駐維摩玉臺淚染驚鴻影銀管寒調寡鵠歌那及聘錢天帝罰秋來還許鵠填河

蠟炬春蠶百念灰錦書長抱杜鵑哀風前身證桃花果雨後

香含豆蔻胎豈爲能文嫌不櫛郤緣無命悔多才爭如修作
閒男女裙子肩挑采箬來

柳絮四首

誰倩東皇碾玉塵天涯如霰撲來勾六橋溪岸晴遊路半榻
春風午倦人灞上根因歸淨業靈和居處認前身關心白日
游絲裏一霎青陽記不真

殘紅零萼共翻飛亂颭韶光野色微大地空香人去去一天
瑤想夢依依要留清白防沾硯不礙顛狂偶惹衣莫問消魂
舊門巷綠陰多處掩雙扉

滾雪裝棉豈化工粉牆西角柳橋東情多羅袖擡來易命薄
桃花落處同迎客有時還撲馬糝春無力且隨風謝家遮莫
鈎簾者腸斷青綾步障中

鳴鳩乳燕晝冥冥點上潘郎鬢幾星錦慢日高南北院莎隄
風細短長亭塵緣未了留芳砌泡影難尋付浪萍忽憶繡牀
凝望眼有人鍼綫午時停

題湘蘅女弟畫扇五首

小篆姻文印好嬉蓮花莊子皴春漪年來省識鷗波格手藝
都梁拜仲姬

徐陵筆架沈珪丸澹掃煙蘿墨未乾一種大姚村畔夢西風
吹上白蘋灘

流水蓬蓬望遠春依稀茅舍枕芳津商量白石清泉裏莫有
牽蘿補屋人

小艇垂楊一水隈釣絲風似子陵臺阿兄頗具煙波骨添箇
漁蓑打槳來

謝家兄弟劇關情一別紅窗歲幾更訝道離愁頻觸迓天邊
鴻影太分明

伏日偕子白榕塢止齋秋坪棠村南林西厓竹溪由
蓼花洲泛頩至西湖分韻得葉字

夙夸穎西湖盈盈近城堞相鄰不相見頩似目與睞平頭款
關至招邀傳小牒出郭偕朋儕紛紛競理楫榜人或不備簷
艤我可攝湖光澈葡萄洗漾動鬚鬣濶濶風生蘆疎疎水浸
葦是時波初落港小不容牒轉欣滯留多恣與清景接一路
芙蕖香相隨上衣褶西湖乃其名勝賞紛可獵如瞰江瑤柱
豈便廢槃槃曲折逾修梁維丹扉重跕澄泓秋十頃漱灑波
三摺曾聞玻瓈風雅與錢唐蹠淪漪送微渦媚此西子頰浦
漱分橫斜娟娟輔兩靨新妝鬪濃淡一鏡何妥貼疎松三五

株正被煙露壓淺草足團飲蒙茸勝花璫酒兵肆轟厖觴政
互曇蹀風景傲老顛狂名冒游俠醉登會老堂瞻賢整巾屢
晏呂與歐蘇哲範森腰极風騷七百年誰爲後塵躡狂奴忘
自量頌禱煩喋喋鬚眉不我嗔微笑神似浹吟情託豪素石
硯蘸宣歙拈韻鉢屢催題名紙爭疊我徒萍梗蹤有類風聚
葉流寓安足嗟名區天許涉平生艷羨心借此翻一惄長揖
辭前賢香羅酒痕裏漁歌起汀遙歸路穿港捷古歡曠襄羊
酒語亂詰譚百感來茫茫高歌叩長鋏

雨泊黃雀灣

蓬蓬溼雲渝獵檣旗卷風色東南來淒然雨花旋千絲落
寒空一鏡皺澄練野曠天幕垂沙平浪痕濺菰蒲雜游龍戢
戢寒欲戰墟落縈煙林旣隱時復現孤篷宿叢蘆極浦逗淒

戀樸被愁沾濡壺觴聊自薦羈情畏風波繫纜卽鄉縣爲語
閉關人江湖吾已倦

淝水懷古

萬里奔鯨一戰摧清波猶帶劫殘仄盡傳江左朝廷小誰識
東山子弟才立國蒲魚空應識登高風鶴有餘哀傷心捫蝨
英雄在肯遣投鞭壯士來

壽春二首

萬頃蘚紋落照邊濠梁秋水認前川地聯酒上風雲氣山入
淮南大小篇尺布何年悲帝子龍眉有客笑神仙行膝一卷
班彪論讀向蘆花當上箋

白水紛爭赤伏符袁家兄弟枉雄圖祗憑一璽窺神器直占
全淮作帝都竊國名空傳仲氏殘山高尚學當塗書生亦解

談英畧數到三公世胄無

馬頭城晚行

揚舲浪漪平薄暝篷腳臥深杯邀月沈高枕看山過祠荒樹
多怪戌古亭全破汀草迷煙蕪神鐙明紫邇繁星爛當天蒼
風竄幾箇冥情忘夷險不睡疇能那

舟夜風雨大作感書

風顛簷窗敲夜黑舫燈閃卷梢蘆千叢垂腳雨萬點原荒絕
津堠岸斷成岡隙添纜長年號溼裝奴子檢酸淒詩膽搖荒
怪醉魂歛誰歟走呼波哀響出艱險泥知芒鞚衝寒想圓笠
颭三更彼途窮一枕吾安儼飄泊雖同科遭逢判豐歉感此
勞者蹤中宵夢成魔

八公山

高岳奠淮服遠隰餘芳艸葱蒨樹交雜陰雲蔽虧驕王昔
好道羽客此來綏繁舞會之蓋霞標羅翠綾終聞金牀廢坐
歎高樓墮愛士道誠劭傷身咎安追神仙不忠孝何取修真
爲鶴唳響遙警鴻寶書莫窺家居句吳東角里一水滯長懷
四皓賢永念商山睡

夜泊荆塗二山下

星河杳將沈水宿翳林樾推篷雲繞柁森竦見山骨蒼煙低
壓眉蕭照清數髮波底摩雙峰枕函射孤月清吟木客領鬼
火篙師咄長夜不愁孤顛厓立秋鶴

塗山禹廟

翩然舸艤陵馮夷崦嵫斜日浸以晚芳陂破石眨眼移龍亢
古郭撐磧巘長淮導源平氏潤胎簪一瀉無由堵奔騰此地

險若斯雲洞箭激通符離螺蟠爬沙晝邇迤靄青鼈白紛曠
跪塗山屹鎮萬古垂下瞰雪浪軒龍簪雲蘿濤打石壁欹凹
凸皴皺成徽黧藤梢橘刺當徑迷千章楸間三年榦女蘿廻
風毛髮悲怪鳥時時聞蝴蝶丹厓窈窕宮闕規中有玉座和
而娛石紐聖人玉斗姿曾受祿字驅蛟螭作使羣鬼運肘胝
龍華夫人紫府姬虞余大駢左右隨上官下遣供指麾同律
烏木相輔持桐柏三至功莫治怒集百靈搜九達淮渦水神
見尻睢雪牙金目鱗之而鼻端穿鈴頸夾鉏灑沈澹首惟汝
資爰安駭浪爲平漪元圭旣錫功不貲茲山乃舉時巡儀黃
龍夾船下渺瀰冠佩雜沓交蘭綺巍乎峻烈康績熙波旬浩
劫留餘基世人好事修墳墳文梁碧甃樹棟棟膚虞初誕謾忘
詆嬉轉畧功德夸神奇我來攜屐上峽嶺靈風神雨捎牙旗

大聲發波漏鯨鰐百怪耽耽角鬢鬢相顧不敢薦瓊牋迴飄
搗鼓山之巒書生口熟岣嶁碑勝境不于空哆鳴風濤惡劇
何恣睢砰訇盜蹙憂且疑此身眩眩神所絶貪心不思窮楣
櫛但求萍蹤毋我危帆開波恬會有期掩篷滅燭自嚦伊辨
香夜祝無支祈

懷遠

魚鱗排屋接濠州疊障層波渺欲愁罨岸雲隨山木合卷蘆
風挾淮流紅牆橋柚陵祠見白日鼉鼈夾舫浮漫構異書
談岳瀆誰從神鎖掣青猿

臨淮二首

擊汰闌風倚夕曛人煙淮甸一川分關心南國疏排策極目
中原浩蕩雲孤剝謹參蒼水使千檣雄壓白衣軍舟程盡又

山程起班馬聲中酒易醺

照眼濠梁一鏡如堂堂策策滿清渠偶來中道停秋屐便抵
南華讀異書客况自憐溝轉鮒窮愁人笑子非魚鳳皇山色
空鄰近青峭雙峰肯借余

鳳陽

千里中都紫翠間鎭釤終古玉屏顏地符白水真人氣客走
紅心驛路關絳灌事留樵牧話虎龍雲向寢陵環含桃閣上
風煙迥一片蒼茫接碣山

自磨盤山至清流關

曩踰入公山山色高絕絕連蟠走臨濠脈斷氣猶孕曲陽鬱
陂陀遠勢薈巖磴山英弄神奇及茲乃一豁插漢標青蒼排
雲豎梯磴大崧兼小岑斥屈雜峰崿細路中盤紆百道互綿

亘牽車戒摧輪跨衛愁折脰初行陟崇岡頗不藉鞭鐙忽下
厓谷深影落無底飄升高更臨卑左緯復右經穿珠蟻延緣
附壁蝸凍凝十步九折旋半里百蹭蹬連岡倏中斷天日開
晦暝廣陌來長風煩襟豁焉醒人寰少夷途客意寧久稱層
巒復駁駖磊砢如競勝桂苒入滁陽琅玕攷志乘柳泉瀉琤
琮碧蘚滋淵澑洞壑無希聲微歎四山應清流屹雄關石樓
滑可望劍閣與孟門論險匪逕庭陳倉暗渡漢陰平乃越鄧
守地無守人天險亦何定當年戎馬場榛莽有券證蒼山復
何知成敗兩靜聽千古青葱姿樵牧足持贈溪廻松檜涼山
盡攀礪剩蕭寺依寒嵒微颺送清磬解裝蘇疲茶酌酒破昏
夢勉旃一日勞志我千秋興

大柳驛至野渡庵

路入譙南曲棧深綠天如幕晝陰陰楊花不絆長征馬山色能堅出世心豈有春潮帶風雨獨憐幽草數沈吟化繙莫漫愁紅軟西澗黃鸝足好音

雨宿永康鎮

昏鴉和倦客隨雨入孤村陰壑橋三板叢篁火一痕重知蓑袂溼寒盼草堂溫覓醉差堪慰青帘在市門

頽上曉發

落月澹無色新霜滿客身白沙明似水孤樹遠疑人野徑行多誤荒雞報未真戎羅裳何處頽尾自粼粼

省試報罷新闢小軒落成遲子白未至

時城在有懷兼

東止齋三首

綉衫彈落省門塵十笏當花小築新放眼怕看烏繞樹打頭

差仗屋藏身乘橫嘯月調應便餅說淒風味最真萸酒正篤
詩脫橐賞音都待素心人

湖海豪情百尺樓亭城有客氣橫秋枉煩犀角夸蘇過未必
鳶肩相馬周白髮風前游子淚綠蕪煙外暗蛩愁短筇莫戀
龍眠好丈室山光待醉侯

茫茫學海問津誰汝穎名家意獨推破甑我原拚撒手碎梨
君勿替攢眉竹書蠹飽摩殘笈茅屋燈昏補斷碑汲古綆長
需共引小齋今已拓疎楣

桂席二十六韻

桂席依瑤砌璿星爛絳河雲頭開玉匣杯底落金波天試將
團彩入徵乍按歌燒槽安鐵撥火樹覆銅荷傳使來青鳥開
屏出翠蛾靈蛇新綰髻飛鳳晚停梭拜客眉雙展鏘風佩半

拖簾煩紅線卷手借綠橙搓筭柱弦頻捩笙簧口屢呵梨渦
開緩緩齦齒啟差差韻漸飄香咳嗽音初透錦窠一聲翻露薤
百調迸雲和霧著鸞釵重霄停鶴馭多覆牆花上影落砌葉
辭柯簫史催杯換周郎正字訛樽罍稱良夜人月本同科默
感興秋士華年悵夢婆書誰上徐樂才合老廉頗愧詠循陔
什難揮返日戈蘭成賦蕭瑟韋孟業蹉跎壯志銷磨盾鄉心
負補蘿韜精事酣宴臨樂且婆娑漏箭催長短歡場散利那
詞憐瓊樹鑿寒奈玉樓何會約來宵續顏先此夕酡清光無
恙在醉與祝纖阿

書感八首

一片商聲萬戶砧悲秋人在古城陰圍場勁簇連鶻起邱壑
寒雲帶雁沈風裏綠蘿孤館淚燈前青史百年心低徊柴井

行觴遇管鮑臺前落葉深

霸才羅仲兩超倫
潁水甘城百里鄰
千載大風誇表海
一時奇士半遊秦
蒼茫家國吾何寄
寥落川原古有人
日暮白亭寒燒澗
英雄無酒醉秋旻

天戈何處殄游光
不寐中宵阮籍狂
憶昨羽書傳下邑
正聞太白指西方
松潘春度千屯甲
邇娑寒催五夜霜
容易飛芻逾萬里
東南人已効輸將

贊普曾沾九伐恩
風霆重與奠羌渾
不教蠻觸爭蝸角
特許甘陳出玉門
五月沈黎沙有雪
三秋莽嶺草無痕
六師勉體懷柔畧
貝葉千花法炬存

天兵飛捷自邛崐
一馬紅旗下蜀來
桑海竟容三月度
雪山真有五丁開
可汗上號香花貢
黎樹班師羽騎催
共讐

威弧能制遠茂陵生笑悔輪臺

換杖愁看雪鬢殘宛邱舟舍雁行單苦思負米設何易郤話懸車恐未安老屋亂蛩吟雨黑土牆殘菊帶霜乾白華詩卷留行篋永夜疎燈掣淚看

霜曉一蹶事分明濩落秋林補屋成射虎有時還飲羽封侯無骨敢論兵酒徒作達教謀醉良友關心勸學耕底事蠹魚誇結習汗青還對短燈檠

去去攜家汗漫遊琅嬛福地好勾留參苓親貯延年藥風雨門停訪客舟少日煙霞曾抱癖異鄉梧竹苦驚秋管城事業名山夢并作羈人一夜愁

裴立齋刺史

振

邀偕子白遊亳州途次雜詠五首

使君重作習池遊約客同過舊節樓我比葛疆渾不似居然

騎馬學并州

立齋曾刺亳州以公罷僑寓其地

鞭絲迢遞出閩都
穎尾渝漣一道鋪恰似卯君分手日青林
鳥帽送鬚蘇

蹴踏輕紅十丈塵
馬驥得意宛尋春
此行自愛秋風好
當作看花儘笑人

曹點薑鹽憩路隅
書囊掀倒陸公厨半間茅屋如鱉黑照得
三人記事珠

時與立齋子白小憩道旁茶寮縱談史事

大饗堂聞四照閒
鄭虔題碣半蒿萊
三錢請買雞毛筆
分訪殘碑一段來

細陽道中

如掌沙隄斥堠新
一鞭催曉趁閒身
風迎黃葉聲中馬詩就
紅塵影裏人霜草未濃
還作露秋陽能暖便如春
是誰怕皺

觀河回照眼淝波嬾問津

兒莊

漢兒寬讀書處

御史繙書處荒臺一望平銓曹空署吏草屬有名卿廢乘人
能荷遺經客尚橫從來稱習事終竟屬儒生

范孟博故里

舊有坡公讀書淚今來廢宅弔征羨生留仲博供賢母死向
皇陶訴飲章平世更無人攬轡孤懷吾亦抱探湯行須重拜
青山墓果否殘魂傍首陽

亳州懷古四首

淝水東邊魏武臺孝廉精舍鳥嘵哀早強玉印窺神器晚託
金縢掩霸才故里誰將粉社並屯田空費芳波開遙遙丞相
祠堂在只願南陽泥首來

上清共訪元元宅玉牒金繩杳渺間我欲遺文求柱下人傳
紫氣滿函關千行列雁祠官廢一笛驅牛牧豎還今古星園
勞奉祀漢陵唐寢有榛菅

隼墉兀立宋陪京又見天興萬騎行一戰旌難招白撤六宮
人亦欵青城堂疑照碧雲常慘軒近幽蘭雨作聲怕讀衛州
傷事詠西風沙草似殘兵

挑動黃河國便亡兵來汝潁劇披猖可能宋帝仍恢宋畢竟
王郎是假王運去奸雄多虎視時清軍府盡龍驤帶刀果否
安犁犢渤海神君望正長

錢忠懿王金塗塔歌和朱大中丞作

古佛墮地龍衙衙祇洹舍覆阿輸迦池開釋迦指畫石始見
貝塔興耆闍鐵輪王來滅度後鞭役神鬼如呼麌共和九年

七寶碎一夜造偏恒河沙菩薩七重辟支六千八萬殊隆
窟長千旋見啟石塚龍窟又說騰霄霞湛然法身自常住銀
坤指爪需搜爬蕭梁以後偏中國處處寶鐸風颺颺錢王開
基自羅刹廓清妖鳥摧狂塵錦衣裘馬樂無量頗喜善性論
三車台州刺史紹祖統玉冊永世垂青綱神僧預報進思蠻
慧業早種尤足誇檢校銜開荷綸繩毘陵捷奏投鞬散紫駝
帳底焚妙篆功臣堂左停參撾蟲沙閣盡龍漢劫要掃萬幻
歸毘邪冶金作瓦圖梵夾四周隆起中微窟纍纍合就舍利
室不假都料當胸父雁王烏瑟分應法三十二種羅顏華諸
天妙果彙寸版露槃倒射扶桑鴉曾聞陀羅雀離製仙掌突
兀撐烏托永寧瑤光亦秀出各向雲表開門呀吁嗟此塔短
盈尺一一變相摹趺跏海波毛孔本無定須彌芥子寧有涯

小謨觴館詩集卷三

三

試教皮閣禮蕉葉當令妙義窮深遐雲臺轉眼大星墜塔亦
歸真美新城秀水空咨嗟靈光忽顯千載後寶氣自露排蓬
芭訛據史屬文德一雪疑障無乖差讀書却感五季運南
唐蜀漢爭龍蛇十纏九結自束縛癡雲恚泥良恣夸澄心堂
中佛畫杳休屠肖像虛妍姱雪山不救牽機藥康陵落寢多
枯槎妙法蓮花出前蜀祇有殘葉留蠻巴一生未解提婆旨
百代遺物誰摩抄獨稟阿含止諍教如王福履宜交加塔摹
歌利具神悟心法相印無疵瑕印金券鐵不足貴片片現出
優曇花何當安置方丈室便是寶筏波羅伽英雄靈氣一呵
護分鬃那怕禾龍拏

獲馬篇爲王郡伯作

九天夜半房星落化作龍媒去鱗角蹀躞高懸夾鏡瞳神奇
未就青絲絡潁川水甘豐草美土曠林長田每每不知何日
忽飛來滿身猶帶銀河水野農沸騰呼且號巨繩帕首腰弓
刀追圍百計那可得一躍已辟千夫豪從此跡弛任奔走枯
萁自斂無人守可憐放逸近三年瘦骨崚嶒尚昂首由來駿
馬如英雄寸心不受庸奴籠孫陽弗顧寧棄置較勝伏櫪橫
門東順昌太守今司直曾以盛名空冀北公子清芬肯堂構
浮雲欲爾光先照忽聞此馬軒雙睂一馬怒出相追隨驚風
撼沙白日澹隻手掣取霜蹄歸歸來整頓連錢轡戀棧兒駒
縮如蝟振鬣長鳴得所依鳳頭印出三花字公子名流似名
馬沛艾驥驥肯相捨太守馭馬如馭人能化桀驁爲調馴昔
非難得今非易世間神駿求其類昨日嚴霜溝水頭崇朝玉

勒蘭堂內吁嗟乎神物顯晦各有時圉人太僕安能知荒郊
自有千金骨在廄非無汗血奇君不見伏阜飛黃雜駕駘月
明風勁自長哀何當留取方歎眼再向鹽車一顧來

送張子白主講歸華亭三首

風色蒼茫別緒侵四年蛩駔兩人心也知泥雪難留爪直恐
朱弦要斷音盤馬地仍秋燒輭判花衣數酒痕深朔雲歷歷
南皮憶三疊當筵不忍吟

舊聞頽士利如錐鶴膝犀渠俗可悲愛學獠奴車上儻不辭
危事劍頭炊頻嚴秋課招青領漸息羃風戀絳帷一片鄭堂
書帶草也應當得峴山碑

意氣文章結習耽傾城狂走送張堪聯鋗郡將離亭立辨驛
門生餞酒酣手可扶輸權小試口如銜闕怕深談臨岐一掬

西風淚消息煩君爲細叅

子白行後予偕友人復餞於九里鋪醉中再贈二

首

四更星斗半闌干握手天涯酒易殘明識別筵還
跌宕偶緣清話忽汎瀾後盟自要雲龍逐顧影先愁
旅雁單莫聽荒鶴問牌堠曉風岐路尚漫漫

汝陰揮手且東還薛濱湖光四面環無恙荆妻成一笑有租
梁廡尚三間題名傳已誇流寓報國人寧許閉關遲爾他年
向金匱蓬萊重訪道家山

題劉沙村家藏六世祖改之昆仲及方中丞孩未三人合作小影畫卷

有客攜觀赫蹏古怪石疏桐闢園圃方袍圓相兩弟昆指點

雲初六世祖中有一人同臭味唐巾玉塵陵雲氣勝朝官拜
大中丞題名字認方孩未當年國步未傾韻公幹聲名顯允
才雙丁會見登賢策一鶚還聞舉黨魁延津劍氣真無兩三
人合繪煙霞像幻出鬚眉颯九秋長鬚短鬢俱森爽披圖忽
感滄桑變蟲沙猿鶴紛刀箭是時昆弟伏衡門此日中丞揮
羽扇草檄飛書出漢關玉門轉戰又生還椎牛饗士蠻嶺塞
走馬籌邊勅勒勒山乾坤劫末須臾改詔獄頻經壯心在一官
起授小朝廷寸心精衛思填海大厦扶傾願何有轉眼騎箕
氣衝斗高士蒼黃牘兩龔舊盟離索憐三友丈夫遭際安得
同青衫亦是千人雄跡分出處神自合篤志善道無窮通斯
畫垂今百年矣面目還同留故紙共向秋風說鬢絲誰知仙
淚成鉛水空堂我爲看毫素瀟瀟涼雨淮南暮一代英姿燹

火餘相將過眼銅駝路往事蒼茫不可論故侯誰問舊清門
還圖珍重鴻泥影君本南州處士孫

次沙村歲暮見懷韻

飽及侏儒曼倩飢飄零笑煞里中兒地慳尺土安狂客天許長貧付好詩冷骨寒吟商陸火單情愁對叔牙祠便須相約中山去此口真惟飲酒官

小謨觴館詩集卷三

小謨觴館詩集卷第四

星社集二

癸丑迄乙卯

鎮洋 彭兆蓀 湘酒

春日赴霍邱途次積雨未霽遣興二首

癸丑

三日春膏土脉蘇重陰如幕護蘭塗人分笠屐東坡影天入
雲煙大米圖沙柳亭空官道驛風帘掩酒家墟墾巾枉被
時流學我未聲名到俊厨

空花作雨尙紛紛綠慘荒原溼不分野水痕多當路見林鳩
聲斷逆風聞無人覓渡憐孤舫不解還山笑白雲觸起平生
蓑笠夢清波芳草牧羊羣

晚晴抵夷陵

賴上六十里鋪名非宜昌地

積雨連朝昏濃陰匝旬蔽廓清感輕風能爲天撥翳高穹洗

青銅皎鏡出新礪
暝色蒼然來俯首
月在地澄澄
積水中孤光一搖曳
物極則必反
水火愁旣濟
誰當知此情
試誦人間世

早行遇雨小憩曹家店

天公苦行人轉輒美諸態慳此風日佳未肯輕相貸
昨宵月澄鮮破曉霧濛昧似恐肩輿遲急雨促奴輩穿林作暝行
洗眼出雲背小店圍苓通敗屋光破碎得此意亦足華堂幾可廢
此生寧有涯跋涉未敢愛獨羨羊裘翁風門看春碓

廟臺集水漲舍陸登舟

風攬一天愁低迷問渡頭波闊官道失雲擁片帆流坐乃雜興
隸程誰報水郵關心引渠事舊地考零婁

霍邱贈蔣湛華明府

業謙

二首

玉筍仙班粉署郎官閒偏愛酒徒狂招看夢國千畦秀恰趁
桃花一水香上已春光開汝頰楚天遙感落江黃邀牀要問
潘懷縣乞取河陽種植方

綠莎廳畔印牀清壯縣頭銜漫叟名偎硯小奚薰麝立放衙
長史拂花行庭多乞牘書應苦山入釣簾眼暫明自是前身
香案吏豈宜銅竹著專城

縣齋卽事再贈湛華二首

櫻桃小部按紅牙紫玉生香碧紗隔燭臉波春泛酒遏雲
歌板月停花新歡無恙東山墅舊夢重牽北里車欲喚奈何
愁起立風光容易感韶華

掃徑真從蔣詡過中筵且爲緩紅螺蜂衙雨促分陰短鳥几
塵埋尺籍多廣漢尙煩頻設飾陽城寧便廢催科鶴于一曲

小説角言集卷四
二
春秋業好和樽前定子歌

壯士

壯士黃皮綺農兵白桿槍原田春輶未私憤晝爭桑此輩好
身手臨風念茂良調馴定何術留勇獻明堂

颯沓

颯沓戈矛隊貴賤負販徒官符理鹽筴夜火聚萑蒲倉雀情
原急桃蟲說豈誣大農心計在平淮竚良圖

文墨

文墨操豪更輕肥到掾僚閑閑三市峻羅綺一春嬌鳬鳥風
舒緩狙公術暮朝白巾驅豈得嚴法想鷹鵠

幻術

幻術沙門秀妖師杜子恭靜輪寧有教斗米遽相從愚或須

開網嚴應事決癰舊聞循吏治刀劖總歸農

古詩東王含谿觀察

秉韜

三首

漢廷策賢良拔十每得五經術節吏事政修澤亦溥讀書綱
前哲此事無今古射策占文星分符綰銅虎循良與儒林兼
擅力逾努金馬南迢遙龍堆北可數春陽奄多方萬里歸行
部肅肅印牀風陰陰黍苗雨始知關西楊卽是中牟魯
仁風扇羣動乃自近者始浸假及廣被扶搖徧遐邇淮淝沃
衍區水土甘以美百里非龐才一麾展高軌桑麻楚巖疆井
邑如比齒不聞民情感但見民色喜近功異申韓徵應得妙
理悃愞寸念深瘡痍萬家起西湖清且漣頰尾清且泚欲知
大府心大府心如此

六籍表素王大化開局鑄淹通始馬鄭曼衍及濂洛斯道少

真傳得龕防影掠名賢起昌期
理窟施椎鑿引手探天根揮斤落糟粕燭龍麗神霄冥行不愁錯
區晉輶迂儒書叢坐昏索張皇得管窺緒論嘗聞畧願得壽世言以作道人鐸

得子白書近主無爲州講席賦寄三首

舊雨翻飛恍隔塵東風消息尺書新狂分龍性仍憐我貧說
豬肝尚累人斗粟夢寒投筆氣一江花撲轉蓬身巢山芳樹
西湖草兩地離悰枉買春

臯比一座左遷同橐筆生涯笑長公鸞翮未應長硯北鴻泥
何事又江東書堂山落金庭黛芸帙香招寶晉風欲奏陵雲
齋屋靜擊牋先試注魚蟲

芭穀綢疊訊疎狂鏃羽閒身鬢未蒼越石聞雞勞蹴被少陵
看燕易沾裳弦中白雪泠泠語匣裏蓮花作作芒報爾雙魚

定遙慰稻孫樓外碧雲長

東寓榕塢

瓦金黃鐘事莫論揚雲蹤跡滯孤村老回白眼評花事狂脫
青衫數酒痕揮去玉龍愁不斷過來金粟道常尊一瓣留得
扶輪手擬挂詩瓢欸塾門

劉武穆公祠

八字軍中夜催鼓大斧長刀雜風雨將軍一戰全江淮半壁
猶存趙家土由來爲功在致死百雉禪尖趨倒耳孤城不守
守必完請看太平邊帥子祠屋峩峩老樹枯南遷諸將胡爲
乎臣力已摧金甲馬君心終畏鐵浮圖

春日偕止齋南林薄遊勺園看花竹溪留飲觸緒感懷悵然有作三首

忽忽身從憂患過傷鴻病鶴尙高歌看花淚有千行制濺眼
春如二月何聽去黃鸝聲覘曉數來元髮影婆娑酒悲夢噩
羈人事不爲尋芳感已多

松枝塵尾玉絲琴把臂重過舊竹林
妮客花猶前度好傷春
情較去年深新詞白社留溫李夙約青山負向禽
何處尋巢
雙燕子綠楊風裏獨沾硯

挹香中酒枉年年不斷春愁亂似煙衷曲漫憑鶯燕訴天涯
差得友朋憐臨風刺促停杯數移席丁寧強飯先容易韶光
三月不妨權喚海棠顛

再東止齋二首

漫從季主卜前程珍重名園勝日行飛絮身符三月柳坐花
人狎一林鶯事如春夢痕原少瑟訴華年調總平祇有野情

還觸迂白楊蕭颯近清明

顛倒從今付化工浪憑譏語託蒿蕘三春未了厭厭病百歲
拌彎寸寸弓薰陌草曾經野火落藩花本任飄風景山早擬
辭清聖作達新來又一中

題劉公勣先生遺像

王粲英雄記扶風豪士歌壯懷消七頌奇氣壓三河骨肉遺
黎盡滄桑浩劫過漁洋交契在詞客謂君何

廢宅

明兵部尚書張鶴鳴舊第

萬里長城壞荆梁賊燄張中樞成害馬大老飼封狼廢宅叢
蕪草遺墟弔國殤白頭空嚼齒可得並睢陽

柳枝詞爲人題畫扇五首

一絲浮子水粼粼人對靈和殿裏身二月東風三月雪江湖

也有可憐春

拂馬藏鴉稱舞臺嫩黃空谷爲誰裁蠻腰畢竟還憐影幾遍
清波自照來

僥倖天隨老釣師芳隄和雨看春姿要知出格風神好記取
初三月上時

柔條不綰短長亭愛對江湖處士星終是撩人太無賴女兒
浦口眼青青

雨態煙姿陌上稀水雲鄉裏獨依依堂堂轉眼春如海莫又
飛花點客衣

潁州食櫻桃作歌時將南還

汝陰城郭春風中千樹萬樹櫻桃紅自從花開到結實雲錦
一片東門東珊瑚七尺石家屋木難火齊龍王宮園丁富貴

足與敵丹橘楊梅俱下風羈人不記含桃節謂是鮫人眼中
血道旁老圃勸嘗新玉筋金盤安用設筠籃葱翠炙眼明日
色晶瑩射光徹指指成痕蘋玉破朶頤入口朱脣裂此物由
來充上貢薦脩典貴春園供游女青絲牽籠忙縣官佔值減

題重須知

紫禁湛恩深不索紅塵飛騎鞚餘者驥驥恣鳥

鵠田更野父爭相送我來汝陰三閱春年年飽啖風花辰彷
彿東坡荔支戀不辭長作嶺南人東飛西飛夢無準生恐飄
風促迴軫春城十里火珠宮欲賦將離我何忍千里尊羹顧
渚茶吳中鱸鯰黃州筍人生有情非老饕世眼不知來笑哂
對食蒼茫別緒紛天涯朋舊惜離羣此間無限臨歧感一物

區區何足云

初夏偕南林止齋出郭泛頴

夜聞飛雨聲遠夢生湖湘陵晨出北郭新漲三篙強碧歛近
搖曳菰蒲生暗香長波走天末匹練繁孤光小艇繫叢綠招
之一葦杭軋軋艤雙隻鱗鱗風半塘墟煙起汀樹百里何青
蒼人影落寒碧鬚眉生薄涼閒鷗適可狎游翛或成行我本
忘魚鳥魚鳥亦我忘平生湖海志風塵坐蒼黃煙波偶乘興
有願此一償安得玻瓈水長沁冰雪腸印須有我友按拍聽
滄浪

華嚴寺

禪不逃禪愛遊禪寂地長將妙明心証我澹泊志華嚴本
法界取以名蕭寺竹塢藏香林杪櫂滴深翠嘉辰欵幽關局
啟苔花牘殿角無人聲時聞松子墜牆陰閃風旛佛燈晝生
穗還叩方丈室道人瓶拂侍習習旃檀香相看渺無思生天

與成佛謝客誰言易初地容襄羊胡爲苦蟲臂聊當淨塵襟
莫問三車義

酷熱無可遣懷因憶前在樓煩時地處極邊雖盛夏
無纖暑偶拈數詩用志舊游卽以排悶凡九首

火雲沓沓汗斑斑無計招涼水石間一種勝游忘不得半天
殘雪鴈門山

樓煩漢屬鴈門郡盛夏山間輒有積雪

往事林胡劫劫灰一州橫扼九邊開深山六月無紈扇風自
飛狐嶺上來

飛狐嶺在雲中與樓煩接壤

深深染峪訪騰蘭萬壑千嵒一嬾殘記得陰厓風雨黑古潭
無底毒龍寒

樓煩城南萬山環抱中有寺名染峪山半有龍池

萬佛祠前古木陰青苔白石洞門深四山老檜無庚甲化作
蒼龍畫一吟

郭爲夏日觴詠處萬佛洞在樓煩西

蘆芽山壁峭雲屏禱雨人傳帝子靈誰向九桄梯上立松花
如霰落空青

蘆芽山在樓煩西南山巔有九桄榔太子殿相傳爲劉曜子某隱此後仙去土人遇旱歲於此

禱雨奇驗

管涔幽處石梁通大業汾源閟故宮不斷飛泉如白雨秋聲
長在萬山中

山海經管涔之山汾水出焉卽在樓煩邑西八十里

鎮朔樓高夜色涼嘯餘閒倚綠沈槍荒白月星星火知是
單于牧馬場

鎮北俯瞰邊牆

衙齋東畔戍旗高日永軍門演六韜怪底寒風生四壁隔牆
人試赫連刀

縣齋毗連戎厨其演武處止隔一短垣

但聞征鴈不聞蟬郤暑真須飲馬川一丈飈輪如可駕願拋
香國住冰天

病目行贈寧榕塢明經

富波先生憮冲倫目光閃電爛若銀擦腸挂腹一萬卷精氣
上迸雙瞳輪日操不律技風雅別裁僞體求其真妍媚到眼
辨黑白肯以頑石消貞珉渭涇水久混淆濁蠶叢雜出紛荆
榛先生然犀畧轉睫夔艤罔兩愁逡巡揭來函書道深澗忽
報眼疾經三旬有書插架讀不得有酒滿樽無復陳騷壇牛
耳苦相屬還餘問字車鱗鱗持纖三復忽拍手絕纓而笑看
蒼旻離朱罔象去千載元珠誰索嗟沈淪獨撐老眼不顧世
此事毋乃天公嗔爬羅剔抉太狡猾故遣一著空中塵安籬
插障被嘲侮盲人瞎馬旁掀脣央明上藥我欲寄損讀古方
君速珍金鏡會見蒙翳括還須鴟視兼鷹瞵同儕自足知伯
樂起疾共貯蘭陵春對人且莫判青白女婆嘒爾方申申

立秋日任棠村招集白業齋分韻得葉字

金天昨夜行符牒官代祝融傳令捷朝來爽氣如可掬一點
秋光逗眉睫狂奴蹭蹬百不知頗愛流光玩賞茲已從金谷
賦桃李又對西風感紈篋飛轡安能挽兩儀澆愁未可無千
檻棠村主人雅好事吟社重開延步屢修篁映座眼忽明熱
酒衝臍氣先帖既半紛掣鵝鴨亂吟腸勃起蛟蛇蟄忽思顯
者有前言詩酒嘲予成積習無食當謀曼倩粟無家盍叩馮
驩鋏人生讀書富貴耳此事於人復奚涉我聞斯語心骨悲
口不能言以臆答王良伯樂今有幾蹇驥嘶路龍媒泣棄人
一樂差能償縱酒佳辰客蹀蹀韋布留將大雅輪榮枯付與
恒河劫只愁白社幾人存莫問青衫雙淚溼同儕盡笑我亦
醉坐看搖落成嗚咽中筵命酌重起舞凍雨紛紛風獵獵世
人久誚竹林狂我徒慎保名山業明朝酒醒還過從試與呼

僅掃梧葉

七夕二首

花掩空庭月射樓輕紈良夜數更籌極天風露剛殘暑異地
門闌又早秋別院濃香薰睡鳴畫屏孤影待牽牛無端買得
羅暎果酒冷宵深起旅愁

敝廬東海夢依稀樂事猶能記曝衣乞巧靈絲爭咒網穿鍼
彩伴笑停機哀蟬落葉家何處越鳥巢枝計總非苦恨客庭
涼似水月明看盡鵠南飛

草蟲二首

草蟲何所感淒切晚涼天競響爭蟬後悲秋在客先雨中殘
漏盡花外一鐙然關戶誰三歎庭蕪欲化煙

唧唧復唧唧叢蘆偏古城中宵撓客夢大地逆商聲紈扇離

宮淚流黃少婦情梨絲吾欲寫和爾不平鳴

寄題亳州吳廣文濶菊圃四首

何處探奇竹石深焦夷幽地客投簪便閑小墊延求點絕勝
名山訂向禽學圃事關耆舊福微霜花見主人心阿戎正有
尋秋興可許扛壺也入林

萼冷香幽老圃中百弓聞在古譙東分叢寒色千畦爛送酒
霜顏一笑紅此樂有誰爭栗里人間何事怨秋風雲亭氣爽
簾波卷占得疎籬欲憇公

去年曾駐小黃鞍大饗堂邊野色寒淝水秋情波浩蕩支圍
花事雨闌珊茫茫塵劫談周史落落風騷溯建安珍重舊家
池館在薄遊還製切雲冠

遊子風前一惘然半生空耗買山錢并無小築容高臥那有

籃輿奉暮年夢澤雨絲迷楚苑
辟疆秋色斷吳天黃花保得
餘香好輸爾齋頭老鄭虔

塵鏡

尚有金精氣全虛照膽名江湖憔悴面原不要分明

白菊

霜色全封幹秋心鬱不開一般花潔白終不似南陔

秋夜集榕塢齋中分詠明七子拈得王敬夫九思

冰山一倚便摧頽鄴杜淒涼司馬才近墨可知縑易涅擢官
誰道福成災元明宮令南衙閉黃閣書徵北地來傳得武功
新樂府琵琶賡和各悲哀

九月自潁南下爲先祖營葬臨發書懷並留別星社
諸友五首

不作佳城計寧爲吳會吟艱難遊子意鄭重老親心愁共征車發秋隨落葉深貧傷封墓緩馬足且駸駸

貧病催親老關心祖澤長一官違執拂千里代封堂雲物松楸警江山憂患妨數行歧路淚非止感秋霜

骨肉殊方寄庭闈郤望遙寸心疑去住長路颯風飈雁影淮天宇龍腥海汎潮酒懷成悶損祖餞枉朋招

曾聞遠遊樂此地轉蓬根萍水飛星合風驟戰壘存業應爭蠹簡名豈藉龍門小別無三月休停別後樽

歷歷南皮憶春秋逸事賒茶香湖上寺酒熟雨中花瞬息千場讌蒼黃八月槎吟壇餘劖氣猶作赤城霞

發潁州

南北騎棲慣牽衣戀病親關河愁外路眠食夢中身將子飛

烏影當塗野馬塵汝陰車騎道誰識望雲人

甘城道中有懷

草草離筵柰速何唱驪人已隔星河寒雲作雨迷荆樹獨客
將愁渡瀨波雙屐吟身關吏熟十年知己異鄉多瑤華百紙
殷勤甚古驛疎燈被酒歌

早次范家岡

小市晨闕戶清川靜噉沙霧輕常漏日霜薄不成花莖豆征
車會陔蘭客感賒白頭誰倚杖菽水羨山家

正陽二首

楚尾吳頭帶水銜清淮人影落征衫從教壓載詩囊富莫問
當關候吏饑衰柳不迷長短驛秋雲猶繞去來帆八公舊有
山中約鴻寶書應寄一函

晚公不向杯中落風物南唐事可哀堅壁將空淮甸守習流
軍下大梁來漂零青雀陵波隊跳蕩真龍研笠才剩水殘山
誰識得紫金峰近讀書臺

雙橋集

起伏岡巒勢秋風入畫圖草衰山徑澗村斷千煙孤觸緒成
蕉萃勞形感菀枯尙餘登陟興前路指荆塗

壽春

莽莽關河霸業消千年屏障屬南朝山川終古餘兵氣草木
依然拱麗謙桐柏長波雙峽下濛梁新雁一行遙壯心寥落
風塵裏看盡平原客射鵠

麻敝澗

新月出皇滌陂塘風颯然葉翻千樹露雲動一池天客思憐

鷗適歸心慕雁先勞勞亭上望若箇占林泉

青龍澗

客有悲秋賦心占卽次爻隄危深澗截山缺溼雲交野草藏
鷺眼霜風折鶴巢終輸老農樂穩結一重茅

淮河水誌歌

淮源桐柏伏流始三十里出大復山信息光固逮霍頽荆塗
峽束爲重關所挾支水七十二漸積漸旺成潺湲下游直達
五河界盱眙洪澤匯怒瀾國家藉淮刷河濁濟運首在清流
安濠州上下設水誌丈尺增損晨昏看治河使者相度審豫
測消長資防閑湖隄旣束清口暢轉漕成效何班班頗聞杞
憂抱父老扼淮於上如激湍在山在頽隱害切此地未免爲
魚患誌椿區區詎足恃盍興力役告長官築隄盡沿鳳壽境

約淮下注清黃寬淮流朝宗免橫溢清力亦不虞其辱更增
霸闢講宣節貽憂豈到邗溝間書生好事愛妄議此語或者
非欺謾會逢解人決可否不憚放筆言譎謔

定遠靖南侯祠

將星一夜大營流誰使金輿出石頭只有王琳能死國更無
韋粲與同仇降旗青蓋終朝洛故將油幢盡列侯留得尚書
祠墓在陰陵東畔是揚州

抵家日甫解裝賁逋者踵至賓座常滿口占絕句自嘲二首

恍惚老村一櫂迴此間避債更無臺笑他立滿牆頭客不爲
詩人問訊來

朱提傅別苦爭衡負郤龍山載酒行畢竟秋懷忘不得重陽

風雨又詩成

偶感三首

學海詞源一笑譁牛蹏涔水各爭誇
眼前不識崑崙路郤向龍門羨浪花

膩香臘粉傳天魔學得新眉樣幾多猶有漢宮人未老炫妝
休便鬪雙蛾

談藝人人圭臬同詞場只合謝癡聾無端饒得豐千舌醇酒
三升誤乃公

冬日寓吳門沈氏懷雲亭病中雜詩六首

意行力并怯婆姍革帶腰圍日日寬特遣詩腸諳藥餌仍留
辱骨耐飢寒棲鳥叫月扶牀聽黠鼠窺鐙倚枕看我是維摩
安丈室不妨黃面對蒲團

生怕商飈肌粟侵鳴爐斐几畫簾深裏糧未見高朋問灼艾
渾憐弱妹心撥悶詩書勝藥石避人衾枕卽山林病夫尙有
悲秋志莫遣高城急暮砧

隱囊塵尾自摩抄藻帳曜瑜噩夢多豈爲吳門看匹練卻教
楚客染沈疴文奇那得逢枚叔病作真須學趙羅一笑風灾
原不屈四禪天本未經過

攬鏡真成太瘦生人間貧病一時嬰直愁占歲逢辰已何暇
登山問癸庚執古衙推爭六疾疑神巫史祝三彭支牀臍覺
仙梯近已是身如辟穀輕

猛氣猶思射獵場錦縑鷹隼綠沈槍鴟聲風叫平原箭鱉血
燈行毳幕觴馬上少年雄袴褶車中新婦笑頽唐垂頭未免
書生態只解詩吟段子章

甲第君雲萬瓦聯
養疴莊好借平泉
獻文成室人猶在
翟尉題門事可憐
畢竟瓜廬容一士
幾曾梓澤占千年
聲聲牛蟻

曹騰裏多事閒愁觸處傳

病間將之潁州適張子白自無爲輟講歸相遇吳門
驩然道故走筆成絕句五首兼以留別

天涯蓬轉兩塵顛
短笛長亭柳慣攀
一笑銜杯渾不信
相逢也許在鄉關

病夫真作可憐蟲
枯木寒蟬訝許同
特地陽回寒谷暖
故人消息勝春風

推牀走迓茂先來
裂月擰霆八斗才
郤恐病魔無處避
錦囊新句莫輕開

濡江纔返子猷船
我又淮山待著鞭
自是要留旬日住
如何

翻贈辦裝錢

千里誰憐土梗身御風雨腳轉車輪不如燒作勞薪用猶有當場識苦人

題耑餘小草爲許儼瓊女史作三首

朱鳥窗前憶左芬縹緲猶帶硯滴雲藥花橐已三臺寫紗幔
香應一瓣焚眼底纖兒空美筆近來嬾子總能軍紅閨勞我
薑芽手鈔向蠻牋教細君

人世華胥夢偶然班姬悲憤感中年到來塵海原多事便落
罡風豈礙仙香茗地傳千首賦飛瓊天締一家緣何須更問
青絲帳靜與霜娥鬪月圓

玉釵鐫字擺琅玕手盥薔薇展夜闌卷裏秋心驚瘦削竹邊
人影想高寒才堪造福卿能壽世可逃名我未拌多少文章

悲覆龍然脂指觸幾回看

五更大風舟出丹徒間渡江寄吳門沈中立

培

病軀如舟一葉輕白波如山千丈迎江風五夜發光怪欲送人舟擲天外黃頭兒郎亂身手鐵鹿長檣出江口放溜一箭穿飛梭捩舵三鬚蓮跟肘船頭入水水人立波面浮山山倒走扁舟不兀亦不頗兩舷無乃蛟龍守須臾扶桑旭影紅朝霞十丈磨青銅推篷絕叫海門近天地眩轉雲濤中平生快意那有此破浪宗生等閒耳委身窮薄輕江潭蘇公未免憂生死隱侯郤憶書堂夜小院閉門霜霰下乘槎尙有同志人萬里天風請齊駕

定遠道中述懷

曉行月在西夜行月在東征人亦何幸與月相始終郤登曲

陽城還顧譙郡宮淮山肖淮水蜿蜒拖長虹霸業一朝盡漁樵老英雄陰陵連大澤一氣寒濛濛所嗟好林壑長在客路中居者樂不識行人羨又空青山安可買望望悲途窮

雨中曉發北蘆橋

昨宵月離畢雨兆占五行詩人不信象緯術傲氣愛與天公爭曉聞霖霖呼起起急飭平頭戒行李生年第溝分泥塗垂堂敢例千金子五更朔氣厲似刀野色癡癡寒生毛淒然京雨掠塵面軒眉直共西風麤碧渝溼盡天未曙苦竹雲陰渺何處依稀辨是古墓門白楊如人鬼相語疲驢短策滑屢倒心竊悔之奴僕笑主人讀書偏墳典未讀天官書一卷

撼輪三首

以下俱乙卯歲補作

撼輪蕩畫影白日無停光雨落不上天安能知去鄉人生有

徂謝物化理無常一訣異幽顯寧論彭與殤笠穿畏風露衣
薄愁冰霜嘉木失故蔭庭草萋以黃此心固匪石何以當存
亡

呦呦中原鹿銜草哨其麌猿狹失所生悲風終夜嘶天倫有
至性報復理宜齊仲堅負米志參出蒸梨妻平居慕陔華數
盡恨自賚送死具牲鼎豈如餐藿黎明鐘耿長幔慘月臨前
題何幸空桑生悠悠無所懷

閉門不療餓拔劍看四壁丈夫身無家舟車作田宅朝行長
安城暮宿洛陽陌柳柳飛旅塵元髮潛變白遵渚溯歸鴻巢
林睇遙翮於人獨無希惻怛傷行役

東亳州李刺史時奉諱後厚厚薄並以志感四首
千騎東方指上游盧龍詞客鎮雄州地交嵩洛風清野旆卷

淮淝筆寫秋，斷碣饗堂搜。
鵠隸部民參政，拜魚頭循良傳。
文苑此事贏他郭細侯。

濯龍祠廟望觚稜，省識清香燕寢凝。
詩鉢韻催鈴閣月，酒旗星閃射堂燈。
玉驄行部看山便，彩筆分花判牘能。
鄴下風流建安格，使君端合長譙陵。

腸斷臯魚百事灰，麥舟真仗故人哀。
生芻一束停車奠，重幣雙緘掣淚開。
求熟我會羞乞火，恤孤君自託憐才從。
知萬丈香山被尙許，閒人分暖來。

承蓋扶輪契，分新愁。
將詞筆訴窮塵，百年池館鶯花節。
八口關河涕淚身，風急疎林無靜樹。
月明西邸有留賓，小黃園角春如海。
可覺樽前少一人。

東裴立齋并道別二首

驥壇記得醉飛觥跌宕曾傳作達名豈有下才工諭古不妨
狂態偶談兵遭逢隔歲分哀樂骨肉新年判死生寄謝河東
賢刺史唾壺敲缺久無聲

聲聲杜宇促征輪落絮風前自愴神孤客負身兼負世扁舟
歸骨亦歸人三秋鷗鷺盟難續廿載陔蘭話未真迴望白雲
成一哭使君還是彩衣身立齋公尚在

題立齋春暉圖贊子

使君家傳理縣譜遇民如兒民曰父使君有澤本如春一片
晴暉暖編戶人人嚴君視使君誰知君亦孺子身怡然色養
門闕內藹如萬點風花春離離短幅開林麓杉影嵒光雨初
沐依約高陽撰杖人太邱冲澹元方肅綠瞳蒼鬢光炯然梅
尉元是陽和仙使君腰笏旁挽綺紛紅駭綠花芊綿人世推

遷成薄相弓冶箕裘視所尚已看慙長復慙卿教諭頭還觸屏障豈如清白遺子孫鼎鐘能養宗能亢經生退步有雲泉白髮青山兩無恙紫霧烘林媚煙篠此樂如君古今少吁嗟乎塵世紛紛負米徒陔華夢斷青春孤人間難得惟此圖春暉春暉何處無

別榕塢

古人如瀆波一去何浩浩今人企前躅如眼不見腦大雅紛荆蕪吟蟹喙叢草蟬鳴詎無響聲作神已槁能者挺其間鳳皇展秋顚巨靈闢蠶叢奇境出天造憶子識之無耽詩自禰祓逮乎舞象年騷雅費搜討詩成頗違俗半信不自保索解鮮離朱往往誤白阜前年泛淮舟潁水清可澡獲遇汝南賢希蹤瀼西老詞壇開鼓旗學海峙羣島子也亟其間不律隨

衆掃未甘就邪蒿竊願幾豐鎬謂予才如玉去頽便成寶謂
予筆如弩餘力猶穿縫直以構散材珍重視合抱雅志感知
音偷閒示行橐博君別裁手指我周行道甲乙分標題高下
恣品藻譬彼老農夫芟蕚獨存稻黃金挾沙礫名錦爍新繢
繆謂一柱砥足障狂瀾倒審樂夔襄存識君苦不早君言我
爲詩與俗殊美好久貽衆人譏嘲罵口爲燥今子勉自持除
田須擊莫毋爲求媚世中道返車轍大海吹浮萍驚風轉蓬
葆豪吟罷烏烏百慮憐慘慘雲龍一相失揮淚看穹昊願養
垂天翼勿爲處御蚕榮枯境何常名在抵壽考學人貴本原
易涸笑秋潦莫博今人喜求爲後人禱澄清東門波慘澹春
日杲勉旃冰雪心兩地同縞縞

別止齋

讀書必求官學道必謀食豈曰非人情亦復非潛德居恒慕
古風竹素恣遊息至道有真味浮榮安足弋抱經獨尙元知
白貴守黑要當義勝肥陋彼食肉墨以此博利名輶南而轍
北世人肆嘲詆我意迄不惑猗彼青門士幽芳秀孤特衙官
攝屈宋駭汗走籍湜著書不問世藜藿有怡色蓬草足千秋
吾自盡吾職男兒不貧賤學問無心得金石三年交兩兩見
胥臆豈知同岑浩忽作分飛翼去路多荆榛脩途恐茅塞叢
殘一片心世短苦日昃才俊爭交馳希榮矜篆刻但工鑿帨
繡安問道風熄自計獨何恩戚戚搜蠹蝕素心更何人此意
誰能識名山與金紫相去實萬億士固各有志胡爲自摧抑
幽光不久藏靈氣肯終匿保此平生心以爲學人則記此臨
別言以爲異時憶

別秋坪二首

白業留賓夜青燈餞別筵論心憂患裏雪涕酒樽前荆棘生
年百風波去路千院花無別苦猶作往時妍
萍梗原無著勞生分苦辛途窮誰地主道合卽天親慎保青
門業毋忘白社人出門蕭艾夥珍重茝蘭身

別南林二首

誰擅花間句金荃妙獨開老堅求道志病鍊著書才會短觴
行促歌長筑韻哀晚香秋圃在飛夢會重來
扁舟載孤寡一櫂下煙波滿眼存亡淚三聲疊拍歌去應憐
處索生已悔情多省識看花叟年來鬢易皤

別西厓

傲儻子華子悲涼送遠吟才難傷別易詩苦見交深窮達非

吾事風騷勉此心更休談骨相腹本欠三壬

別竹溪

五畝藏春塢三年畫壁痕社隨鴻爪散愁與落花論風水羈魂惡雲泉處士尊別來煙月夜清酒爲誰溫

別棠村

彥昇才調元方弟拓戟狂歌憶舊歡壽世文留風雅在少年
交得性情難花天驪唱愁三疊家事羊腸有百盤此後懷人
詩定好寄聲爲我寫烏闌

別鄉瀛波

溶

銀燭清樽鬪夜闌離愁差付酒腸寬伯鸞竟要因人熱范叔
誰憐倍我寒過漢星蹤留影少賣文生計閉關難汗青心事
飛蓬鬢兩地騷情一種看

去潁州日諸友畢集河干相送小飲新渡寺登舟後

寄懷子白并寄星社同人

時子白復主
講清潁書院

離雲茫茫客罷酒送我頑厓峭帆走蒼然暮色無一言不敢
回頭只揮手故人不及石尤風能糾行舟客路中故人郤似
初弦月清輝雖沈情未歇張君意氣如水澄才筆健傲秋空
鷺雲龍會合花前酒風雨論心夜半燈一片冰壺兩相映好
古雄談出天性時時共被聽鳴雞蹴起開門北風勁齋室牕
無十笏寬瀾翻腹有千秋鏡參橫斗轉各蒼茫劙鍔蓮花電
光逝從此扶輪推大雅聚星堂畔開星社儕輩分標白雪篇
新詩盡入紅爐冶甯任兄弟元季儔謂裕培止齋及
秋坪棠昆季吏部清
門竹石幽謂竹溪竹溪爲程公勑先生後
謂南林村數子詞源何漭瀼文昌樂府尤豪蕩兩灑

志兼元

劉牧

數子詞源何漭瀼文昌樂府尤豪蕩兩灑

東西共辦香一軍南北爭雄長百寶花闌鶯鵝杯玻瓈秋水
芙蓉槳分箋片片雲霞飛落紙琅琅睡壺響顧我才慙下水
船黃金虛牝擲年年簣書躑躅慵千世呵壁荒唐罷問天臭
味苦岑含有數壽陵遂學邯鄲步木葉亭皋柳惲詞東風芍
藥王筠賦三年壇列鶴鵝羣旗鼓江東我共君只說榮樽老
花月那知離散有風雲梟聲中夜唳煙柏青詞不救黃楊厄
天涯聖室棘心枯遠道麻衣柳車迫拭涕愁編粟里年娛親
夢斷東山屐采蘭平日讀南陔補盡亡詩竟何益河梁悵望
各淒酸潮落蓬低蘆荻寒絕似荆卿辭易水白衣人盡髮衝
冠亦知離別人生事但愁華鬢星星易空谷吾安樗散材青
雲爾慎千將器丈夫且莫求田宅天下蒼生望安石丈夫不
必定侯封李蔡爲人居下中只此輪囷心一片風塵壓倒宣

明面千間廣廈萬家裘留與他時作佳傳
賴尾州來放櫂行長天寥闊雁孤征落花飛
絮傷離意宰樹呼風飲血情此後西湖誰
健者諸君碧盞應重瀉臨觴記否茹荼人擊
楫歌殘淚盈把

舟中寄別劉汐村

飯顆山頭夜鑰破誰竊殘膏爲咳唾風嘲月美天汝憎罰作
經生受寒餓經生事業亦何有才高不副時人口獨抱嶽寄
磊塊胸故紙堆中作鯨吼古來錢刀可致身曷不學作桑孔
坐致金千鈞况聞老氏貴守拙和光處世同其塵何爲鹽鹽
自束縛鸞翮雖鍛龍性終難馴千言絕交書一篇酒德頌此
是卿家孝標與伯倫勘破浮生付醯甕今君母乃率祖風白
眼高撐飲須痛惜我萍蹤如轉轂來何草草歸何速伏處君

方仰屋梁鳴根我自悲風木瀨行半面天亦慳不許臨歧成
一哭去去高歌泣鬼神此君應不悔長貧請將感逝傷離句
寄我愁風愁水人

遷居詩六首并序

乾隆四十二年予甫九歲隨先君子赴寧武五十二年歸越
四年隨之潁州五十九年奉諱後又歸所遺積逋以千百計
薄田二頃盡去之不足以償因并所居棄之別營破屋於城
南居焉庶少安乎而飢來驅人少定又當求食數百里外作
遷居詩六章俯仰今昔旣自慰還以自嗟云

闌風伏雨夜茫茫八口移家上野航五畝園廛拋栗里十年
封券了巾箱可能春藿長充膳畧換秋茅好拒霜盼到紙窗
蘿屋底一門團話小滄桑

回首清門局已更春蠶食指費支撑拋殘馬邑龍堆夢愧敂
麟兒驥子名百歲竟將陔養負一區平與寢邱爭園樂但說
移居好莫溯前因引淚傾

刪除馬券兼驥券整頓禽經與鶴經遺澤敢忘通德里翦茨
也笑草元亭風拌黃嬖吹籬苦雨好青楊夾巷聽莫訝步兵
工作達年來噩夢此纔醒

安排藥裹與書籤里女窺門鵠噪簷放鶴秋風剛四起種魚
池水恰平添西堂撲棗僅能恕別院分花我不廉第一稱心
沽酒易出門三步有青帘

椎髻蓬頭作一家子山新賦劇堪誇便應白板常支戶豈厭
青門老種瓜菜把有心居地主楊花無蒂易天涯端居妬煞
牆東叟坐倚柴關數暮鴉

士衡牕有三間屋曾望曾無一稜田卯髮乍梳憐弟弱征衣
頻理累妻賢秋鋸小幕離堂酒煙雨垂楊別浦船後夜吟魂
定何在寒天修竹暮雲邊

小謨觴館詩集卷四